



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Strauchi[i] Jcti Amoenitatum Juris Canonici Semestria duo

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Cap. XIII. Ad caput VIII.x. de major. & obed.

urn:nbn:de:hbz:466:1-10241

ta est inter Solem & Lunam. Quæ similitudo hæcenus procedit, quemadmodum Luna non minus Luna est, nec minus per se consistit, tunc cum à sole recedit, & mutuatum ab eo lumen variabile amittit, quàm cum ejus radiis pleno orbe atque adspectu illustratur, & neutro casu hæc ab illo aut ille ab hac dependet: Sed ambo institutionis suæ ordinem & modum tenentes Deo mundoque deserviunt: Sic etiam potestas regalis sive politica propriis subnixis viribus per se consistit, & licet magnum quidem lumen ad benè beateque vivendum à spirituali potestate accipiat, tamen ejus neque accessu neque recessu ullâ ex parte in sua essentiâ mutatur, minuitur vel augetur, multoque minus adveniienti subjicitur. Nec ad rem facit, si luna respectu luminis, quod à Sole recipit, ei subjici dicatur: Subjicitur enim ei, non quatenus luna est, sed quatenus lucida est. Est Sol igitur Dux & moderator luminum reliquorum, non quatenus sunt corpora, sed quatenus lucent, neque sol iis aliud quàm ipsum lumen auferre potest: Sic spiritualis auctoritas Dux est civilis potestatis, quantum ad spiritualem vim, ut rectè disputat Barclajus vindic. cap. 13. Ferè in hunc sensum etiam P. de Marcâ de conc. Sac. & Imp. lib. 2. c. 1. n. 8.

*cum Sole,
Imperatoris
cum lunâ.*

Explicatur.

*Barclajus
&
P. de Marcâ
laudantur.*

C A P. XIII.

Ad caput VIII. x. de major. & obed.

S U M M A R I A.

1. *Decretalis ad quem directa.*
2. *Quâ de re.*
3. *Cyprus ad Patriarcham Antiochenum pertinuit.*
4. *Libertatem usurpatam Justinianus confirmavit.*

Innoentius rescribit CPolitano Patriarchæ, Thomæ Mauroceno, qui captâ CPoli primus è Latinis electus est Patriarcha CPolitanus, ut dixi *Eclogâ 3. c. 5.* Hic duo postulaverat ab Innocentio, alterum, ut Ecclesiæ quædam ipsi subjicerentur, quæ quidem ante captam urbem Patriarchatui huic non paruerant: Alterum, ut obedientia ei præstaretur ab Archiepiscopo & Episcopis

*Decretalis,
ad quem
directa.*

Quâ de re.

pis Cypri. Habetur decretalis hæc integrè in gestis Innocentiũ tertii pag. 107. Utrumque Innocentius denegabat. Prius, ob rationem juris, quam habes in textu; Posterius, quia hi ante promotionem Mauroceni fuerant exempti. Quod ita intellige: Cyprus olim ad Antiochenum patriarcham pertinebat; Erat enim pars Syriæ: Sed vi ponti à continente abrupta ad libertatem aspirabat, imminutâ paulatim Patriarchæ Antiocheni auctoritate! Accessit inde & decretum Synodi Ephesinæ, quo inconsulto Patriarchâ ut eligi Metropolitanus à provinciæ Episcopis posset, *can. 8.* statutum est. Porro & auctoritas Justiniani ad tuendam Cypri libertatem suffragata fuit, testante Nicephoro. In hoc statu tempore Innocentii cum esset Cyprus, merito negavit Pontifex ejus occupationem Thomæ Mauroceno, & sedi CPolitanæ, donec causa cognita esset, vocatis Cypri Episcopis, ut ostendit Philippus Berterius Pithanw̄n *diatriba 2. c. 2.*

Cyprus ad
Patriarchã
Antiochenũ
pertinuit.

Libertatem
usurpatam
Justinianus
confirma-
vit.

CAP. XIV.

Ad cap. X. XI. XII. de maj. & ob.

SUMMARI A.

- | | |
|-------------------------------------|--------------------------------|
| 1. Monasteria S. Victoris & S. Jo- | 6. Abbatissa Bubring, id est, |
| hannis unita. | Quedlinburg. |
| 2. Et quâ ratione. | 7. Ejus fundator Henricus I. |
| 3. Capitulum XI. in compilatione V. | Saxo. |
| 4. Capitulum XII. | 8. Canonice dicuntur Nonna. |
| 5. Abbas de Lapide S. Michaelis | 9. Sunt regulares & seculares. |
| Halberstadiensis diœcesis. | |

Monasteria
S. Victoris
& S. Johan-
nis, unita.
Et quâ ra-
tione.

Capit. XI. in
compilatio-
ne V.

DE monasterio S. Victoris & S. Johannis de Monte apud Bononiam, videatur Sigonius *lib. 2. de Episcopis Bononiensibus*; sunt collegia Canonorum regularium unita, hoc modo, ut monasterium S. Johannis de Monte subjectum esset monasterio S. Victoris, & Priori ejusdem. At cum obedientiam Priori suo Canonici detrectarent, mandavit Pontifex obedire.

In cap. XI. ita habet inscriptio compilationis V. *Dilecto fra-
tri*